



**ẸNẸ OWŃ OMI
CHE K'**

ONU

AKU K'OJI MI?

Ẹnẹ kiko che Watson Goodman

Alafa – Ich'eta Ichen

ẸNẸ OÑWU OMI CHE?

Anyi ẹñwulẹ chema ẹnekache, ila d'elẹ tejugede efu ọla wñ ogbegbelẹ Oñwu ch'ugbo ka neke ali “Alu k'owñ nyiwa”, “Ẹwñ kamuda”, “Ugbokelẹ ane wa nyi”, kpai “Alu kaneke adẹ” lugbo ejẹ gba ateko Ọjọ.

Iche kibọ ma ateko Ọjọ n. Iche kibọ lamo Ọree efu wñ kpai eku ki aku ekwili wñ nyọñẹñene. Iche kibọ akobọ Ọjọ todun ugbatane wñ. Abo kibọ la nufẹdọ gb'omẹdọ todun efu emuma gba lẹ tak' mamu dabo ki nuña ki datatẹ efu Jisus Kraist Ogbegbelẹ dabalun ki Katanẹ.

Iñmi mi ogbegbelẹ che nyọbojọ kide alu kuje Ñw' Anyi ẹwñ lẹ nyi ef' Ọtọtọla wñ chẹchẹchẹ! Ei kidei che' owñ makọ-in akpai ei ki anẹ alema nyọbojọn wa ọpioo, abẹk' emugba kpai enọkpakpa egbagbọ Kijẹ wñ wa ki mana Ny'Ede Ilelẹ ogbegbelẹ kpai ewñ dab' Ọya.

—Watson Goodman (1920-2002)

Scripture text reprinted from the Bible in Igala by permission of United Bible Societies Africa Regional Centre, Nairobi, Kenya.

ẸWÑ KI NUBI K'ỌJỌ NY' ONE

1

Ki La An'Ọya Ogbegbele

Aizaya 62:5b

...Oñ alu k'ọkọya etitọ ayọ ñw
ọya etitọ, alu lẹ Ọjọ-wẹ ayọ ñw ẹ.

ama eyọ okolobia ọkọya, e-k'i
dago agb'ọlawñ ayọ, tod omukọla
ọkọya lẹ k'i agbọ

Matiu 25:1 kpai 6

Ẹgba lẹ ma adu ojanẹ e-efojale
wawe abigbele męwa ku ma ma
m'ẹnẹkẹlẹ n, ku ma m'agege-ma
ko ledufu aledọ ọkọya etitọ. . . .
Oñ alumeji odu ukwa dago kakini,
Mẹ go, ọkọya etitọ dẹ-oo! Mẹ dufu
wa aled'o.

Kraist — Ọkọya

Jon 3:29a

Ẹnẹ ki n'ọya etitọ, ọkọya dẹ;

2 Kọrint 11:2

Todu najogu e-Ọjọ todụ mẹ:
todu u ko mẹ kp'ọkọ okate, k'u ko
mẹ ch' igbele ki dẹ yaala ki ma
m'ẹnẹkẹlẹ n ñw Kraisti.

Matiu 9:15

Taku Jisus ka ñwu ma kakini,
Amoma unyi iyawo neke daidọ iko
k'ọkọya d'ugbo ma? Iko-wñ muda
awa, ẹgba ku ma ad'ọkọya kw'
ugbo ma, tak ẹgbale ma ajialu.

2 EWN̄ KI CHI K'ỌJỌ NYI ONẸ OJIBO N̄WU DẸ

Iña Nẹ Ewñ Omunẹ Ojoji Ki

A Dabu Ọyo N̄wu N

Abakwanẹ 1:27

Abeḷẹ Ọjọ f'one nyi ojibo-wñ onugo, ẹgọ ojibo Ọjọ oñ i ny'i; ẹnẹkẹlẹ kpai onobulẹ oñ i nyi ma.

Efesus 1:4

Alu k'i ñọ chi wa tanẹ ef uwñ ọgba taku ma kp'ẹrẹ ilẹ-i k'awa ki ch'abo kiafo k'a we en'enyọlọ ọgba-wñ ef ufẹdọ.

Abo Ku Ma B'Ọjọ Tuta

...todu k'amẹ ki mud abo ku ma tuta ef alu k'Ọjọ-wñ dẹ lef uwñ... (2 Pita 1:4b). ...uwa e-ku Kraisti li k'u laño ch'ẹnẹ ki atuta ef ojima e-ku ma che ku ma bitẹ le

nad'ugbedọ ñw abogijo ku ma j'ef umẹ le kakini (1 Pita 5:1b).

...ama dedẹ la ñ'adama ny'ewñ ku ma kọla-wñ tanẹ le efu Kraist Jisus lef Uchẹnyọ (Efesus 3:6b).

...Mẹ nagwa Ata k'i jẹ ñw a b'ukpẹ ewñ ogu e-abo kiafọ jọ ef uganẹ (Kọlọse 1:12). ...ukpẹ k'abo ku ma gba ukọlọ ẹnyọ le ch'amenukedọno kpai abo ufẹdọ (1 Timoti 6:2b).

...Todu awa mud abo ku ma mananyu Kraisti... (Hibru 3:14a).

...ku ma la d'ele e-efojale le kadalu taku ma manany'Afu Kiafọ (Hibru 6:4b). ...owñ muda che kin'ile ñwa, todou k'a kit'ọwọ ny'efọ e-owñ (Hibru 12:10b).

Abakwane 9:6b

...Todu Ọjọ che onẹ ojibo owñ.

Ẹwñ k'Amenukpuche Che

17:24a, 25b, 26a, 27-29

Ọjọ k'i che ilẹ-i kpai amẹwñ du ki j'ef uwñ, owñ lẹ, ... abu k'owñ onugo adu iñmi kp'afu kp'ẹwñ du ñw amẹwñ du; I la che abo ucheichi amonẹ chaka kwef ẹnẹ kate, ... k'ama ki feju Ọjọ, ikani ma ad'owo tejane owñ, ku ma li u, i la jiji r'ẹnẹ kate ef uwa n: todun a adeju, a la achiche, a laño domo ef owñ, dabalun k'icheka ef amakeli-me onugo ka kakini, Todun awa ño ch'olopuwñ. Todule abu k'a ch'o-

lopu Ọjọ, i dukpe k'a n'ibe ka k'Ọjọ dab ọjamalia abek ajifa abek okuta e-k'ibe onẹ ñwa k'i du che ukolo etele n.

**Adem, Ọjọ Funyi Ojibo wñ,
I ma Chotila K'ojima wñ Ki dabu
e Ọjọ ki Abejujẹ lẹ**

1 Amonu 8:11

**Abele amatama la neke dago
ache ewñ-ma n, todun akpa lẹ: todun
ojima Jihofa ch'eko ef unyi
Jihofa.**

Matiu 17:1a, 2

**Jisus ... Oni i mud eida eju-ma,
eju-wñ la fu dab olu, ewñ ola-wñ
mud efufu dab ugane.**

4 KWEFU EFỌ TEFU ADURE KPAI ECHUBI

Nyi Dab' Ojọ Onugo Kiafọ

Todu ma f'u kọ tanẹ kakini,
Amẹ ki ch'abo kiafọ, ukpẹ k'omi
afọ. —1 Pita 1:16

Ekọ gbomu gbọ Ny'udaru wai

Todu alu k'owọ onẹ mud amẹ-
nadure lef ekọ k'ene'ka kọ egba-
gbọ, abẹlẹ owọ amone amud amẹ-
nọkpakpa lef egbagbọ k'ene 'ka le
gbagbọ. —Rom 5:19

Todu ẹnẹ du dure, ma la nyaru
ojima Ojọ. —Rom 3:23

Fa-i Akpainẹ Kpai Ugbitẹrẹ

Oñ Jihofa li k'ẹbiẹnẹ onẹ
ch'ololo anẹ-ilẹ, k'ibe du ki d'edọ-

wñ k'i añwa ch'ẹbiẹnẹ gbogbo
d'ojọ. —Abakwane 6:5

Edọ onẹ mugọ t'ẹwñ du le, ọga-
wñ agb'ogu n; ẹnẹ neke m'ọ?
—Jeremaya 17:9

Ojọ Kọ Amẹnẹbibì

Naka ñwu mẹ ka k'u ma ugbo
ku mẹ kwo wa-i n; mẹ tẹ ny'ubi
b'umi tẹ ọchaka mẹ ku mẹ ch'a-
machukọlọ uji. —Luku 13:27b

Onẹ Lenyọ Ef'echubi

Ajọ lẹ dẹ kakini, Uganẹ lẹ lew'ef
ilẹ mẹ, amone la fẹdọ echubi
t'uganẹ lẹ le; todụ ewñ ku ma ag-
wonyu ache ch'ukọlọ bibi.
—Jón 3:19

FAI EÑWU DAGBAGBA WA UGBO OJỌ?

5

Oreḷa Chaka Muñwa ila Chẹ Daji

Aizaya 64:6

Todu ọchaka-wa adab ẹnẹ k'ọ-lawñ daji, ẹwñ ọkpakpa-wa du la dab ukpo elifọ. Oñ ọchaka-wa akwacha dab eñmi, udu k'a fẹ la akw'uwa rinyọ dabẹnẹ k'afu.

Uku Ogbegbele Doji Mi

Rom 5:12

Tod e-kidẹ, alu k'adure gudu lef ẹnẹkate w'ef ile, k'uku lañọ lef adure wa, abẹlẹ tak uku legudu ny'ugbo amonẹ du, todudu ọchaka-ma dure.

Onugo Mi F' Abije

Rom 5:18a

Todabẹlẹ alu k'abi ejẹ l'ef uñ-

wanane'ka t'ugbo amonẹ du . . .

Adure Fumimu Tefu Nyamu

Rom 7:23

U muda ali ọlọda omunẹ ef ẹwñ añọla-mi ki ak'ogu b' ọlọda e-ibe-mi, k'i amu mi ef ọlọda adure e-ki d'ef ẹwñ añọla-mi.

Adure Afonẹ daru b'Ojọ Tẹ

Aizaya 59:2a

Udu ku mẹ fẹ muda f'amẹ kp'Ojọ-mẹ daru . . .

Onugo Mi Acholi Eñwu duu

Ñw Ojọ

Rom 14:12

Abẹlẹ ẹnẹnẹnẹnẹ-wa acholi ẹwñ ẹ-wñ ñw Ojọ chuu.

ẸNẸ OÑWU OMI CHE?

Efu Ọrela Kiñwa, Onugo
Mi—dab' Ama, Egbe, Atula

Aizaya 64:8

I chaka d'abele, O Jihofa, uwe
ch' Ata-wa; awa ch'ama, uwe ch'a-
bucha ki abo wa; ochaka-wa la
ch'ukolo k'owowe che.

1 Pita 1:24

Todu, ọrela du dab egbe, ojima-
wn chaka la dab ododo egbe; egbe-
wn gbẹ, ododo-wn chi tane.

Jemes 4:14

Me la ma ewn ki ade ona n. Ab
inmi-me de? Todu amẹ ch'atula ki
atejugede peẹ tak i alenyo r'aju.

Anẹ Alemakugen Akpai Inmi
Ogbegbele Efu Kraist

Jon 11:26

Oñ ẹnẹ du ki deju k'i la akedono
mi, in'ugbo du k'i aku ogbegbele
n. Uwe akedon'ola kide-i?

1 Jon 5:10, 11

Akedon'Oma Ojo n'enibenu le
ef uwn. Enẹ ki ma kedon'ola Ojo
n, m'own du ch'aremi me, abu k'i
ma kedono ibenu Oma-wn k'Ojo
gba le n. Ibenu le la de kakini, Ojo
d'inmi ogbegbele nw a, inmi le
la d'ef Oma-wn.

Eli Ekọ D'ọjọ 24:7-10

Hi oji-mẹ dago, O amẹ ẹwñ ure alaku! Mẹ ki la chẹchi dago, O olugbana ogbegbelẹ! Tak Onu Ojima agudu wa. Ẹnẹ ch'Onu Ojima lẹ taa? Jihofa ki n'ukpahiu k'i la gbity, Jihofa ki ch'agbity ef ogu! Hi oji-mẹ dago, O amẹ ẹwñ ure alaku! I-i, f'u hi dago, O olugbana ogbegbelẹ! Tak Onu Ojima agudu wa. Ẹnẹ ch-Onu Ojima lẹ taa? Jihofa ki n'ẹwñ du, owñ lẹ ch'Onu Ojima! Sila.

1 Timoti 6:14b, 15b, 16

...gbogbo w' ẹgba ekwote-jugede e-Ondu-wa Jisus Kraist; ... owñ ch' Onu amonu kpai Ondu

amodu; owñ kate ch'ẹnẹ ki ma n'uku n, unyiwn d'ef uganẹ k'one ma atẹmeru n; owñ ch'ẹnẹ k'ẹnẹ du ma li n, ma la neke li'u n: owñ ki n'ojima kpai ukpahiu ogbegbelẹ. Ami.

Onu-i Ach'Onu Abilẹ D'uu

Zẹkaraya 14:8, 9

Oñ i awatu ọjọ lẹ, k'omi iñmi acha kwefu Jērusalem; ukpereji-wñ acha r'owọ ohimini ọwọ olodudu, ukpereji-wñ la acha r'owọ ohimini ọwọ olane; t'uwo t'olọji i adẹ abẹlẹ. Taku Jihofa ach'onu anẹ-ilẹ du; ọjọ lẹ Jihofa ach'okate, odu-wñ lañ' ach'okate.

8 JISUS KRAIST KA UGWUGU ONU WÑ

Jon 18:36, 37

Jisus dohi kakini, Ete oda Ojane e-mi ch'ile kide n. Ete oda Ojane e-mi ma ch'e-ile kide, abimotomi ma f'aju gbiti ajuja todun ku ma ki we edu mi nw amaJu; ama oda Ojane e-mi d'emi fa-i n. Todule Pailati ka nw u kakini, Mak onu we che ke? Jisus dohi kakini, Uwe ka k'u ch'onu. Todun e-kide ma bi mi, tod e-kide on u lew'ef ile, todun k'u gb'ochochi ibenu. Ene du k'ete-wñ ch'ochochi agb'omumi.

Mark 14:61, 62

I muda chechi, i la dohi du n. Agboji amatama no t'e ene onu

keji ge, i ka nw u kakini, Uwe che Kraisti, Oma Ene ki nele le? On Jisus kakini, Omi de; ameg ali Oma One abu k'i gugugu owow awoto Ukpahiu kp'abu k'i awa ef akpa ojale.

Matiu 25:31 kpai 34

Abele egba du k'Oma One lewa ef ojima-wñ kpai amonuche-wñ du ubi-wñ, egba le i agugu oj ede ojimawñ. . . . Egbale le Onu aka nw abo ku ma jo owow awoto-wñ kakini, Me lewa, ameg k'Ata-mi denyo nwu me le. Me ki f'ojane ku ma nwoghe tane nwu me akwegba ku ma kp'ere ile-i je ugu.

Hibru 1:8

Ama ọla e-Ọma k'i aka de: Ede-
we, uwe Ọjọ, i t'ogbegbele nyi-
lewa, ọkpa ọkpakpa oñ ọkpa ọda
ojanewe che.

Daniẹl 4:37

Fai omi, Nẹbiukadneza, adiba
ñw Onu efojale, nahi'u ne naño do-
jima ñw u; todụ ukọlọ-wñ du
ch'ochochi, ọna-wñ la t' ọkpakpa; i
la neke chi abo ku ma lulẹ ef uba
ukata.

Matiu 18:3, 4

Oñ i kakini, Ami, naka ñwu me
kakini, Me ma rida ku me dab abi-
mọto n, i an'ugbo du ku me agudu

t'ojane e-efojale n. Todule ene du
k'i ahi ọla-wñ wane dab imoto-i,
ene le ch'ene k'i tule ojanẹ e-efo-
jale.

Ọla Ebite 11:15b

... Ọda ojanẹ ile mud e-Ondu-
wa kp'e-Kraist-wñ me; i la aj'onu-
wñ ogbegbele nyilewa.

Efesus 1:18, 19

K'aju e-edo-me ki n' uganẹ, ku
me ki ma ewñ ki ch'ukibeno ef udọ
k'i adọ, kpai ewñ ki ch'unana
ojima ewñ ogu-wñ ef abo kiafo
kpai ewñ ki ch'unana tabale
e-ukpahiuwñ ñw awa k'a kedọ-
no-i, alu k'ugbiti ugbiñmi-wñ
achukọlọ.

Jon 17:2

Dabalu k'ẹ m'oda ọrẹla du du
ñw u, todụ k'i d'iñmi ogbegbele
ñw abo du k'ẹ ko ñw u.

1 Pita 3:22

Owñ ki d'owo awoto Ojo abu k'i
le t'efojale lẹ; amonuche kp'abo-
da kp'abukpahiu chekamuhite
ñw u.

Efesus 1:20-23

Owñ ch'ek'i ne chukolo efu
Kraist, k'i ne d'owñ kwanẹ kwef
abo ki ku, k'i laño d'owñ gugu ọwo
awoto-wñ ef uña efojale; atate
ololo ñw agboji du kpai oda kpai
ukpahiu, kpai ondu du, kpai odu
du ku ma ko, i ch'ef okpana-
chi-i kate n, i muda ño ch'ef e-ki

ache k'i wa ge: i laño f'ewñ du
kamuhi t'ogane ẹre-wñ me, oñ i
m'owñ du che oji ewñ du ñw ujeju
abudo Ondu; k'i ch'añola-wñ, k'i
ch'ukefu e-ene ki ako ewñ t'ewñ
du efu lẹ.

Jon 2:24, 25

Jisus onugo muda kedono ma
k'i t'ola-wñ no ñwu ma n, todụ
ema k'i ma ene du, i ño ch' utoda-
bu k'eku k'ene du ki gbibenu one
ma ku owñ n; todụ owñ chema,
ewñ ki d'ef one.

Omi d'ef uma, uwe la d'ef umi,
todu k'ama ki ch'abo ki mufu tef
okate, todu k'abile ki ma ka k'uwe
kpe mi wa, k'ẹ la fedo ma alu k'ẹ
fedo mi.

—Jon 17:23

ANANA, UKPAHIU KPAI OFILI WÑ NUKADEN 11

Ọla Ebitẹ 5:12b

... Ọmala ku ma du kpa lẹ nyọ
bojọ k'i gba ukpahiu kp'ẹwñ
anana kp'ibe kp'ugbiñmi
kp'ubumọ kp'ojima kp'ujenyu.

Matiu 28:18

Taku Jisus lewa kọla ñwu ma
kakini, Ma m'ọda du efojale kpai
oj anẹ-ile-i du ñwu mi mẹ.

1 Kọrint 1:24

Ama ugbo ab'udọ, t'amaJu t'a-
maGrik, Kraisti ch'ukpahiu Ọjọ
kpai ofili Ọjọ.

1 Kọrint 8:6

I muda ch'ugbo e-wa Ọjọ k'i
ch'Ata ch'okate, owñ ch'ẹtẹ ẹwñ

du, awa la jọ ñw owñ; Ondu Jisusi
lañọ ch'oka, lef owñ ẹwñ du dọmọ,
awa la dọmọ lef uwñ gẹ.

Ọla Ebitẹ 11:17

A gw'uwe ugwa, uwe Ondu Ọjọ,
Odobaogagu, ẹnẹ k'i dọmọ, k'i
lañọ dọmọ akwoubi; todabu k'ẹ
m'ukpahiu-wẹ lile lẹ gba k'ẹ la
j'onu.

Kọlọse 2:2, 3

Todu k'ẹdọ-ma ki gbo, ku ma ki
gam'omunẹ ef ufẹdọ, ku ma ki ñọ
tef ẹwñ unana du k'i j'ef oji ẹwñ
ema gbali, ku ma f'afili Ọjọ ma
ogbolo, owñ che Kraist, ẹwñ
akoko e-ibe kpai ẹwñ ema du maja
j'ef uwñ.

Eli Ekọ D'ọjọ 72:8 kpai 11

Owñ ñ'an'oda kw'ohimini abadi oka gbogbo wa kad'ohimini abadi ekeji, kp'akw'ohimini lẹ gbogbo w' ukpoji ilẹ-i! . . . Ochochi, amonu du adojikanẹ ọgba-wñ, abo ucheichi du ar'ọ!

Eli Ekọ D'ọjọ 2:2-4 kpai 6-8

Amonu ilẹ k'ọla-ma dojọ, k'aboda j'ab'ọla-ma l'ọla nyu Jihofa kpai ẹnẹ-wñ k'i f'ekpo ba t'ọ oji lẹ ọla? ma kakini, a ki f'igbaligba-ma jada, k'a la m'iku-ma ko rọ b'ọla-wa tẹ. Ẹnẹ ki gugu efojale lẹ anyanyi, Ondu la adokanyi r'uma oji. . . . Alu du ki de omi

m'onu-mi du jọfẹ oj uwo-mi Zayon kiafọ mẹ. Alu k'uhioṃẹ-wñ de, naka dufu: Jihofa ka ñw mi kakini, Uwẹ ch' ọma-mi, omi f'uwẹ bi eñini-i. T'umi ene oñ nak'abo ucheichi ch' ẹwñ ogu-wẹ k'ẹ jẹ, kpai ukpoji ukpoji anẹ-ilẹ-i k' uwẹ ki nẹ.

Jẹrẹmaya 10:7 kpai 10a

Ẹnẹ dọmọ ki ma arailo wẹ n? O Onu abo ucheichi? Todu e-lẹ ch'uju-wñ ñw ẹ; todabu k'ef amanibe duu ef abo ucheichi kp'ojanẹ-ma ojanẹ-ma du i n'ẹnẹ du ki dab uwẹ n. . . . Jihofa muda ch'Ojọ ogbolo

Aizaya 42:8

Omi che Jihofa, ab'odu-mi kọ de; nad'ojima-mi ñw ẹnẹ omunẹ n, u la ad'uñwulọ-mi ñw ojibo ku ma gbẹ n.

Eli Ekọ D'ọjọ 95:3

Todu Jihofa ch'Ojọ inaina, kpai onu ki nana t'amọjọ du le.

Matiu 24:30

Tak ẹgba lẹ ujiwe Ọma Onẹ ate-jugede efojale; iko lẹ amọlọpu anẹ ilẹ-i du ak' ọwọ fi'ẹdọ-ma, ma la ali Ọma Onẹ k'i awa oj akpa ojale; ukpahiu kpai ojima lile la ad'ubi-wñ.

Ọla Ebite 4:11

Ondu-wa kp'Ojọ-wa, uwẹ nyọ bojọ k'ẹ gba ojima kp'ubumọ

kp'ukpahiu: todabu k'ẹ ny'amẹwñ du, tod edẹ ki d'uwẹ ẹdọ oñ ma dọmọ oñ ma nyi ma.

1 Timoti 1:17

Oñ t'ugbo Onu e-ogbegbele, k'i ma n'echilechẹ n, e-k'ẹju onẹ ma li n, k'owñ kate ch'Ojọ, ubumọ kpai ojima ki d'ugbo owñ t'ogbegbele nyilewa. Ami.

Ọya Wñ Mana Nyu Ojima Wñ

Jon 17:22

Omi la m'ojima e-k'ẹ du ñwu mi du ñwu ma mẹ, todụ k'ama ki ch'oka alu k'Awa ch'oka.

Rom 8:18

Todu u fu lo kakini, Ọbata ki de abajọ-i bojọ ku ma du ñwa ojima ku ma che ku ma bite todụ wa n.

Aizaya 9:7a

Enyọgba ọda-wń kpai urẹdọ
an'uloji n

Aizaya 45:9a, 10-13a

Atogwo n̄w ẹnẹ ki ab'Achona-
wń ja, anade ki d'ef anade ki jọ
ilẹ-i! . . . Atogwo n̄w ẹnẹ ki aka n̄w
ata-wń kakini, Ẹwń ẹ bi-i? Abẹk i
aka n̄w onobule kakini, Efu ẹwń ẹ
che-i? Abu ki Jihofa, Ẹnẹ Kiafọ
e-Israelẹ lẹ, kpai Achona-wń, ka dẹ
kakini: T'umi ene ọla ẹwń ki awa
ejọgba; ugbo ọla amọma-mi, kpai
ugbo ọla ukọlọ k'owọ-mi che, mẹ
n̄wa n̄w mi. Omi f'ilẹ-i che tẹ, u la
f'onẹ nyi oji-wń; omi, owń ch'owọ-

mi-i, f'efojale efajale nadala tẹ;
omi n̄wa n̄w uwewe ẹwń-ma du.
Omi d'u kwane ef ọkpakpa, oń
nache ọna-wń du t'okpoolo

Daniẹl 7:14

Oń ma m'ọda kp'ojima kp'ojanẹ
ko n̄w u, k'amone du kp'abo
ucheichi du kp'abo ichi ichi du ki
r'ọ; ọda-wń ch'ọda ogbegbele, ki
ma n'alale rinyọ n, ojanẹ-wń la
ch'e-ku ma ma akpabiẹ n.

Arọ Efu Ọda Wń

Eli Ekọ D'ọjọ 72:11

Ochochi, amonu du adojikanẹ
ogba-wń, abo ucheichi du ar'ọ!

**Ma F'ugbo Kpai Alu Ku Uku
Wñ Ade Kpai Udaji Kwane
Wñ Katane**

Matiu 20:18, 19

**Go, a ategu nyi Jerusaleṃ-i, ma
la ad'Oma One-i ñw amagboji
amatama kp'amakotakada, taku
ma akp'o abi e-uku. Taku ma ad'
owñ ñw abo ucheichi ku ma ch'o
uke, ku ma f'u ja ku ma la f'u
kamoli. Tak ojo eketa-wñ ma ad'u
kwane.**

**Adure ch'Omeḡa Eju Ojọ Kia
N'Añwoche Tila**

1 Pita 3:18

**Todabu ku Kraisti ñọ f'uwa li
tod adure onu 'kate. Enokpakpa le
li tod amenuji, tod k'i m'uwa ko**

**w'ugbo Ojọ; ma f' owñ kpaku ef
orela, ma muda d'iñmi ñw u ef
Afu.**

Galatia 1:3b, 4

**... Ondu-wa Jisus Kraist, k'i
m'olawñ du chele tod adure-wa,
todu k'i gba wa kwef okpanachi
bib-i, alu ki d'Ojọ kpai Ata-wa
edọ.**

1 Jọn 3:16a

**Ef e-le oñ a f'ufedọ ma, owñ
ch'abu k' enẹ le m'oji-wñ du tinyọ
tod uwa**

1 Korint 1:18

**Todu ọla oli uku le ch'ewñ efu-
lefu ñw abo ku ma j'alenyọ-i; ama
ukpahiu Ojọ i muda che ñw awa
ku ma jadu-i.**

Efesus 2:13

Fai, efu Kraist Jisus, amẹ ku mẹ j'ọnajiji ẹgba'ka lẹ mud abo ki mẹru ef ẹbiẹ Kraist mẹ.

Hibru 10:19, 20a

Todulẹ, amomaye, abu k'a chene eju-ẹgbo k'a gudu ny'ef uña kiafọ lẹ ef ẹbiẹ Jisus, owñ ch'ona etitọ ki deju k'i duny'ane etitọ todu wa lẹ

Hibru 13:20b

... e-ki m'Adidala elile lẹ du dabi wa kwef abo ki ku ef ẹbiẹ alo ogbegbele

1 Pita 2:6b, 7a

Go, nad'okuta k'u chi k'i ch'akoko ch'unyanẹ alo efu Zayon. I la an'ugbo du k'anyọ amu akẹdon'o-

wñ n. Todulẹ, ugbo amẹ ku mẹ ch'amakẹdon'owñ akoko lẹ dẹ.

Kolose 1:20a

K'i la f'ewñ du ñọru ñw ọla-wñ lef uwñ

Ọla Ebitẹ 1:5b

Ojima kp'ugbiñmi t'ogbegbele nyilewa ki t'ugbo ẹnẹ k'i afẹdọ wa k'i ño m'uwa tutanẹ kwef adurewa ef ẹbiẹwñ.

2 Timoti 3:15

Kpai alu k'ẹ teta ma Ọla Ọtakada Ọjọ k'i neke jẹ ñw ẹ n'ibe tef ujadu lef ẹdọ ekono ki d'efu Kraist Jisus akw' ọjọ omẹkpa-wẹ.

Ọkọya Afeju Ọya Wñ

Todu Ọma Onẹ lewa k'i feju k'i lañọ jadu e-ki lenyọ. —Luku 19:10

KRAIST F'UKU EKEJI KPAI OJEGU DU KI 17 GBA MI KWEFU WÑ

Uku Ogbegbele Ch'udu Mi

Izikiel 18:4b

...Onugo onẹ ki dure, owñ le
aku.

Rom 5:12

Tod e-kide, alu k'adure gudu lef
enẹkate w'ef ile, k'uku laño lef
adure wa, abele tak uku legudu
ny'ugbo amone du, todudu ochaka-
ma dure.

Rom 6:23a

Todu urome adure ch'uku

Uku Che Gbokili Te Ñwu Mi

2 Timoti 1:8-10

Todule e ki chanyo ola ibenu e-
Ondu-wa kpai omi k'u ch'enam-

wñ n: ama e nab'Uchenyọ le li uwa
ebiene ebiene l'ona ukpahiu Ojo
k'i jadu wa, k'i laño n'udọ kiafo do
wa, l'ona alu k'ukolo e-wa de n,
chai l'ona ibe e-wñ k'i ñwatane
kp'ufedo enyo e-k'i du ñw a efu
Kraist Jisus ogba tak iko ogbeg-
bele chane, fai i la m'u du tejuge-
de lef ukwotejugede Enajadu-wa
Kraist Jisus k'i f'uku gbogili te i
laño m'iñmi kp'ewe eche, ejeji-wñ,
ko w' ugbo uganẹ lef Uchenyọ.

Ola Ebite 1:18

Kp'ene ki deju, u leku, e la go,
edeju nadeju t'ogbegbele nyilewa.
U la n'oma igede uku kp'ojegu.

18 ONU-I F'UJADU ELE OFO CHE NW'ENĒDU KI TENE WŃ KWEF'ĒDỌ FOO

1 Kōrint 15:3b

...Kakini, Kraisti leku tod
adure-wa, alu k'Ọtakada Ọla Ọjọ
ka.

Ẹwñ k'Amẹnukpuchẹ Che 20:28b
...ujeju abudọ Ọjọ e-k'i n'ẹbie
e-wñ la.

Jon 10:11

Omi ch'adide ọmẹmẹlẹ ki ade
amala; adide ọmẹmẹlẹ ad'oji-ọla-
wñ tinyọ tod amala.

2 Pita 3:9

I cheka k'Ondu afọkpanẹ ugbo
ọla k'i katane alu k'efọkpanẹ de
eju abo ichẹka n; ẹdọ i muda aje
ugbo mẹ, i neku k'ene du ki lenyo

n, chai k' ọchaka amone ki tu
eribeda.

2 Kōrint 5:15

I la leku tod ọchaka amone,
todu k'abo ku ma deju ku ma deju
ñw ọla-ma ge n, chai k'ama ki deju
tod ene k'i leku tod ma, ku ma
m'u du kwanẹ.

Ẹwñ k'Amẹnukpuchẹ Che 10:43

Amakachẹ chaka gb'owñ ibenu
ka k'ene du k'i akedon'owñ agba
adure-wñ etonọ lef odu-wñ.

Jeremaya 29:13

Amẹ atene mi, oñ mẹ ali mi; owñ
ch'egba ku mẹ tene mi kp'edọ'ka.

Eli Ekọ D'ọjọ 45:6, 7a

O Ọjọ, ede-wẹ ch'ogbegbele nyi-
lẹwa: ọkpa ọda ki t'ọkpakpa
ch'ọkpa ọda ojane e-wẹ; uwe
tẹtafẹdọ ẹwñ ọkpakpa, ẹ la
chulaka ẹwñ bibi.

1 Kọrint 6:9a

Abẹk amẹ ma kak'amenuji aje
ojane Ọjọ ogu n-in?

Rom 8:5-9

Todu abo ku ma l'ikpa ọrẹla
ad'ibe t'ẹwñ ọrẹla, ama abo ku ma
l'ikpa Afu ad'ibe t'ẹwñ e-Afu.
Todu ibe ọrẹla ch'uku, ama ibe

e-Afu ch'iñmi kpai urẹdọ; lef e-lẹ
oñ ibe ọrẹla ch'ẹnebi ẹwñ Ọjọ;
todu i ch'ẹkamuhite ñw ẹwñ ọlọda
Ọjọ n, i la neke che n; abo ku ma
j'ef ọrẹla la neke nyọ Ọjọ eju n.
Amẹ muda j'ef ọrẹla n, chai ef
Afu, abu k' Afu Ọjọ dodo ef umẹ.
I la chẹwñ k' ẹne du ma n'Afu
Kraisti n, ẹne lẹ ch' ẹne-wñ n.

Jemẹs 4:4

Amẹ amajọkọ! Mẹ ma ka
k'onuku ilẹ-i eche ch'ẹnebi Ọjọ
eche n? Todulẹ ẹne du k'i neku
ech'onuku ilẹ m'ọlawñ du ch'ẹnebi
Ọjọ.

Ita, Ita 28:13

I ara ñw ẹnẹ ki f'ẹwñ b'ena k'i na ma n, ma muda ali ejumomi ẹnẹ ki gbalu ki ma ñọ hi m'ọ gẹ n.

1 Jọn 4:16

Awa la f'u ma, a lañọ m'ẹdọ kono ufẹdọ k'Ojọ nẹ ef uwa. Ojọ ch'ufẹdọ, oñ agugu ef ufẹdọ gugu ef Ojọ, Ojọ la gugu ef ẹnẹ lẹ.

Jọn 1:12a

I muda d'ọda ñw abo du ku ma m'owñ gba ku ma mud amọma Ojọ.

Jọn 13:20b

... Ẹnẹ ki la agba mi mak ẹnẹ ki kpẹ mi wa i agba lẹ.

Ẹwñ k'Amẹnukpuchẹ Che 8:36, 37a

Oñ abu ku ma j'ej ọna alo, ma lewa ugbo omi'ka. Tak onoji lẹ kakini, Go, omi la dẹ; ẹwñ ñọ kpọna ny'umi baptism eche? Taku Filip kakini, Ichẹwñ k'ẹ kẹdono kp'ẹdọ-wẹ chaka ma jẹ.

1 Kọrint 2:5

Todu k'ẹdọ ekono-mẹ ki we ede ef ofili onẹ, chai ef ukpahiu Ojọ.

Jọn 8:31

Todulẹ Jisus ka ñw amaJu ku ma kẹdọn'owñ kakini, Ichẹwñ k'amẹ gugu ef ọla e-mi alo waa, mak amẹ ch'amakọchẹ-mi ocho-chi.

UJADU CHE UDAMA KI DAGBAGBA AKPAI 21

UTA ETA KPAI KRAIST KI DEJU

Efesus 3:9

K'u laño d'ewñ ki ch'igede afili ki maja ef Ọjọ k'i nyi ewñ du le kwo igbele igbele w'ef uganẹ.

ñwu ma, i ñ'an'ugbo du ku ma alenyo ogbegbele n, ẹnẹ du la ad'uma inya kwef ọwọ-mi n.

Rom 8:10

I muda chẹwñ ku Kraisti d'ef umẹ, aña leku tẹ lef adure mẹ, afu muda ch'iñmi lef ewñ ọk-pakpa.

2 Timoti 1:12
Lef e-le oñ u domo ali uwa ewñ-i gẹ. U muda chanyo n, todun u chema ẹnẹ k'u kedono le, edo-mi laño mugba ka k'i neke f'ewñ-mi k'u kony'owñ ọwọ le de ny' ọjọ le.

Jon 10:26-28

Todabu ku mẹ ma j'ef amala e-mi n. Amala e-mi agb' omukola-mi; omi la chema ma, ma la at'umi ubi; oñ omi ad'iñmi ogbegbele

1 Pita 4:19

Todabele abo ku ma li uwa teju alu ki du Ọjọ edo ki nak'onugo-ma jo ef ukolo ki nyọ eche ñw ẹnẹ k'i nyi ewñ k'i achubi onẹ le.

Ene ch'ene ki adu ile-i k'i ma
ch'ene ki akedono ka ki Jisus
ch'Oma Ojo n? —1 Jon 5:5

I ch'abo k'ebie ojoji ojoji ch' ete-
ma n; ewn ki d'orela edo la ch'ete-
ma n; ewn ki d'enekete edo la
ch'etema n; chai abo ku ma bi
k'Ojo ch'etema. —Jon 1:13

Me n' ama ochochi, on ochochi
ako me ch' amomone. —Jon 8:32

Ondu la ch'Afu le; on ugbo du k'
Afu Ondu de, omọ omi n'ola-mi
de. —2 Korint 3:17

On abu ku ma mu me ko j'ane
b'owo adure te, me mud amadu
nw okpakpa. ... Ama fai abu ku

me kwotane b'owo adure te ku me
la mud amadu nw Ojo, me n'ero-
me tef efọ, ukpoji-wn la ch'inmi
ogbegbele. —Rom 6:18 kpai 22

Todule ichewn k'Oma ako me
ch'amomone, mak amẹ ach'amọ-
mone ogbolo. —Jon 8:36

Todabu k' uwe ach'enibenu-wn
ugbo ewn k'e li kp'ewn k'e gbọ nw
amone du.

—Ewn k'Amenukpuche Che 22:15

Kraist ko wa ch'omone todu k'a
ki j'ef omone: todule me nadago
waa, me ki nw dabi je nw oli unolo
e-adu gbaji t'ume ola ge n.

—Galatia 5:1

1 Korint 6:2a

Abek amē ma ka k'abo kiafo
akp'oji ajo ilē-i n?

Aizaya 62:3

Uwē l'ach'ikebē alifia ef ọwọ
Jihofa kpai ukata onu ef ọwọ Ọjọ-
wē.

1 Korint 6:9-11

Abek amē ma kak'amenuji aje
ojanē Ọjọ ogu n-in? Mē ki jē n̄w
enē du ko mē la n. T'amēnabutabu
t' amachode t'abo ku ma tene ọya
onē, t'abo ku ma deidele, t'abo-
kele ku ma b'enekēle dachi, t'ama-
joji, t'amēnejufufu, t'amañmote,
t'amab'onē ina, t'amadinya aje
oda ojanē Ọjọ ogu n, Abo ichēka
ef umē la dabele akwoubi; ma

muda f'umē ọla gwē, ma f'umē
che ku mē fọ mē, ma la f'ale da n̄w
mē ef odu Ondu Jisusi Kraisti
kp'ef Afu Ọjọ-wa.

...K'i ch'Omogba e-abo ki ku,
k'i n̄o ch'Agboji amonu anē ilē-i.
Ọjima kp'ugbiñmi t'ogbegbele
nyilewa ki t'ugbo enē k'i afedo wa
k'i n̄o m'uwa tutanē kwef adure-
wa ef ebiewñ, k'i lañọ m'uwa ko
ch'uche amonu, k'a ch'amatama
n̄w Ọjọ-wñ k'i lañọ ch'Ata-wñ.
Ami.

—Ọla Ebite 1:5b, 6

Uña ki D'atate

Todu k'ochaka-ma ki ch'oka,
alu k'uwē, Ata, d'ef umi, k'omi la
d'ef uwē, todū k'ama ki j'ef uwa
abele

—Jon 17:21a

Eli Ekọ D'ọjọ 145:18

Jihofa mēru abo du ku ma kwad' owñ, owñ ch'abo du ku ma kwad'owñ ef ochochi.

2 Kọrint 6:16

Ewñ la ch'alu unyi Ojọ ejefu ki ade kp'unyi ode? Todu awa ch'unyi ejefu e-Ojọ ki deju, alu k'Ojọ ka, kakini, nadodo ef uma, nañọ tale ef uma; nach'Ojọ e-ma, oñ ama ach'amone e-mi.

1 Pita 4:13

Ama dabalụ k'amẹ j'atuta ef uwa Kraisti lẹ, mẹ nayo; todụ k'amẹ ki ñọ n'ugwoguyọ ayọ ef ebite e-ojima-wñ.

1 Jọn 1:3b

...Oñ a n'uta-wa ata kp'Ata kp'Ọma-wñ Jisus Kraisti.

Aizaya 43:2

Ẹgba k'ẹ le gu ef omi omi du nad' ugbo-wẹ; kpai ẹgba k'ẹ le gu ef ohimini ohimini du, i al'uwe oji n; ẹgba k'ẹ le gu ef una du, i agu uwe jo n, ọgọ-wñ la am'uwe n.

Jọn 17:23

Omi d'ef uma, uwe la d'ef umi, todụ k'ama ki ch'abo ki mufu tef okate, todụ k'abile ki ma ka k'uwe kpe mi wa, k'ẹ la fedo ma alu k'ẹ fedo mi.

UDAMA KI DAGBAGBA KRAIST KP'ABEDỌ 25

EKONO OCHOCHI

Jon 14:20

Ojọ e-lẹ amẹ ama ka k'omi d'ef
Ata-mi, k'amẹ la d'ef umi, k'omi
la d'ef umẹ.

nakọ ma ku ma dejutẹ ẹwñ du k'u
f'ukọ-wñ tẹ ñwu mẹ. Mẹ la go, omi
d'ugbo mẹ ojọ du gbogbo t'ukpoji
ọkpanachi-i.

Ọda Wñ Otitala Ẹwñ Ukpẹdọ
ruwa Ejodudu

Ọla Ebite 22:1a

T'Afu, t'ọya-etitọ lẹ kakini,
Lewa.

Matiu 28:19, 20

Todulẹ mẹ ny'af'abo ucheichi
ucheichi du ch' amakọchẹ; mẹ
nache ma baptism tef odu Ata
kpai e-Ọma kpai e-Afu Kiafọ; mẹ

Ọkpakpa Abẹdọ Ekono
Ch'Ọkpakpa Ugugu Efu Kraist

Kolose 1:27

Oñ i d'Ojọ ẹdọ k'i jẹ ñw abo lẹ
ma ẹwñ ki ch'unana ojima afili-i ef
abo ucheichi, k'afili k'a ka-i che
Kraisti ef umẹ, k'owñ ch'ukibeno
ojima lẹ.

Rom 10:4

Todu Kraist ch' ukpoji ọlọda tef
ọkpakpa ñw ẹnẹ du ki akẹdọnọ.

EJUMOMI ABEI, UFEDỌ ABEI KPAI UFEDENYO ABEI

Ojọ k'i laño ch'Ata Ondu-wa Jisusi Kraisti ki nele. I f'uwa bi etito teju ejumomi-wñ ogbajeje ñw ukibeno ki deju, lef edajikwane ki Jisusi Kraisti dajikwane kwef abo ki ku. —1 Pita 1:3

Todule a ki naneju egbo temer'ede ufedenyo le, todú k'awa ki gba ejumomi k'a ki laño f'ufedenyo li ki ateko wa iko k' eku ewñ aku wa. —Hibru 4:16

Ama Ojọ, k'i ch'anana ef ejumomi eli, lef ufedo-wñ nana k'i ne fedo wa, abu k'a leku j'ef uñwanane-wa, i che k'awa bo Kraisti n'ĩmi. Lugbo ufedo-enyo

oñ me j'ef ujadu. Oñ i che k'a b'owñ dajikwane k'a la b'owñ gugu ef uña efojale efu Kraist Jisus; todú k'i d'unana ufedenyo ki tabale ef emola k'i mola ñw a efu Kraist Jisus le ñeña ef okpanachi du ki awa.

—Efesus 2:4-7

Oñ abu ku me jo ku me f'uwa li pe, Ojọ e-ufedenyo chaka, e-k'i do me tef ojima-wñ eogbegbele le efu Kraisti, owñ onugo ache me teju-wñ kpa, i ad'ere-me nyane, i ad'ugbiti ñwu me. —1 Pita 5:10

Ma du ufedenyo-wñ dale ñwu ma eleofoto l'ef ugbonetan ki d'efu Kraisti Jisus. —Rom 3:24

Ama ẹgba k'iko-wñ jọ, Ọjọ f'Ọma-wñ kpuche dufu, onobule bi, i la bi tef ọlọda, todú k'i f'abo ku ma j'ef ọwọ ọlọda la r'anẹ, todú k'awa ki m'ọda ọma gba.

—Galatia 4:4, 5

Mẹ go alu k'ufẹdọ k'Ata che ñw a dẹ, todú k'ama ki dọ wa k'amọma Ọjọ; abẹlẹ a dẹ. —1 Jọn 3:1a

Ajẹ Ẹwñ-Ogu Ọjọ

Ẹnẹ ki du ajẹ ẹwñ-i ogu, oñ nach'Ọjọ ñw owñ, tak owñ achọma ñw mi. —Ọla Ebite 21:7

Oñ abu ku mẹ ch'amọga ọma, Ọjọ f'Afu Ọma-wñ kpuche dufu t'ef ẹdọ-wa, i nakwa kakini, Ada,

Ata. Todabẹlẹ ẹ ñọ ch'adu gẹ n, chai ọga ọma; i la chẹwñ k'ẹ ch'ọga ọma, mak ẹnẹ ki ajẹ ẹwñ ogu lef Ọjọ uwe che.

—Galatia 4:6, 7

I la chẹwñ k'a ch' amọma, mak a ñọ ch'abo ku ma aj' ẹwñ ogu-wñ gẹ; a ch'abo ku ma aj' ẹwñ-ogu Ọjọ, a la abọ Kraisti jẹ ẹwñ ogu-wñ; abu k'awa ab'ọ ch'ọbata todú k'awa ki ñọ b'ọ j'ojima.

—Rom 8:17

I la ch'ẹwñ ku mẹ ch'abo Kraist, mak ugbe Ebrahim mẹ che, mẹ ch'abo ku mẹ aj' ẹwñ ogu l'ona ku ma k'ọla-wñ tanẹ lẹ.

—Galatia 3:29

OJO NW'IBE-E ÑW TANE NYU AMOMA ÑW KUMA BIU

A la chema kakini, Ewñ du kperẹ ach'ukolo k'ianyọ ñw abo ku ma afẹdọ Ojọ. owñ ch'abo ku ma f'uma dọ alu k'i ñw'ibe e-wñ tanẹ. Todu, abo k'i ma ma tanẹ, i f'uma datẹ tanẹ ku ma ch'uche ojibo oma e-wñ, k'owñ ki ch'omọgba ef amomaye wewe.

—Rom 8:28, 29

Echeñw Dabu Kraist

Omi muda d'alumeji-mẹ dabẹnẹ k'ẹnẹ ki ache ewñ ñw onẹ.

—Luku 22:27b

Utonọ Ch'Ele

Oñ Jisus kakini, Ata-mi, tonọ ñwu ma, todu ma ma ewñ ku ma ache-i n.

—Luku 23:34a

Ochikimi kp'Oyọọ

2 Korint 10:1a

Oñ omi, Pọl, ọtọtola-mi agbọkọb'umẹ lef ọchikimi kp'oyọọ e-Kraisti

Estate ef'Ufẹdọ Kraist

Jon 15:9

Alu k'Ata fẹdọ mi, abẹlẹ omi ñọ fẹdọ mẹ; mẹ nagugu ef ufẹdọ e-mi waa.

Edu Uchenyọ Kpogo Rabile duu

Jon 20:21

Todulẹ Jisus ñọ dabi ka ñwu ma kakini, Uredọ ki ch'e-mẹ; alu k'Ata kpẹ mi, abẹlẹ oñ omi akpẹ mẹ gẹ.

Todu k'ame ki tale nyonyo b'Ojo k'i ado me t'ojane-wñ kp'o-jima-wñ jo. —1 Teselonaika 2:12

Ene du ki lalegudu nyogba, k'i ma gugugu ef ukọ-ọla Kraisti n n'Ojo n; ene ki gugugu ef ukọ-ọla le alo waa, t'Ata t'Oma ene le ne.

—2 Jon 9

Kraist Ane Oya Nw ei Kene duu
Ma Neke Fugwogwo boten

Ene du ki aw'ugbo mi, k'i la agb' ọla-mi, k'i ache t'aju-wñ, najiwe nwu me ewñ k'i biu. I chebi ene ki ak' unyi, e-k'i f'ura ere unyi-wñ gwa jiji, tak i m'ere unyi-wñ du ny'ane oj apata; on egba k'omi wobi, i mucha lewa b'unyi le ma, i

la bojo k'i ach' unyi le ichen, toduma f'u ko omemele.

—Luku 6:47, 48

Enekele k'i afedolichi ugbo eja-ma ku ma aj'own ma, gbede. Toduegba du ku ma f'u nwago k'i nyokpa, i agba uloko e-inmi, e-k'i kola-wñ tane nw abo ku ma afedo own.

—Jemes 1:12

Ila Aneju Nw Ugbo Nw

K'a jo aneju ugbede k'a kibeno le kp'utejugede ojima Ojo lile kpai Enajadu-wa Kraist Jisus, k'i m'ola-wñ duche le toduma wa toduma k'i la wa tane b'owo ugbitere du te, k'i laño f'amone gwehiolo nw ola-wñ k'i ne ma, ku ma golaru ukolo omemele.

—Taitos 2:13

Efesus 3:20, 21

Ama tugbo ẹnẹ ki neke che t'ewñ du k'a abiebi abẹk e-k'ibe-wa at'ọ le nana ololo teju ukpahiu ki achukọlọ efu-wa; ojima ki ch'e-own ef ujeju abudọ Ondu kpai efu Kraist Jisus gbogbo t'ogba ogba du ogbegbele nyilewa. Ami.

1 Korint 2:5

Todu k'edọ ekono-mẹ ki we ede ef ofili onẹ, chai ef ukpahiu Ojọ.

Efesus 2:8-10

Todu ufedọ-ẹnyo ch'ewñ ku me j'ef ujadu lef edọ ekono. E-le la ch'efumẹ i kwo n, chai ele Ojọ i che; i la ch'ef ukọlọ eche i kwo n,

todegba k'ene du abuba-wñ. Todu awa ch'ewñ k'owo-wñ che, i nyi wa efu Kraist Jisus todụ ukọlọ ẹnyo, e-k'Ojọ ch'ona-wñ tanẹ todụ k'awa ki tale ef uwñ.

Emu F'ukpa Kpai Ejokpa Ogbolo
Efesus 4:13

Gbogbo tak ochaka-wa ki lewa t'udama e-edọ ekono, kpai Oma Ojọ ema kpa, k'a mud okonẹ ogbolo, k'a t'ewa ogba alu k'ekọ Kraisti gba le.

Kolose 2:9, 10

Todu ukefu onugo Ojọ du dodo ef uwñ ef ańla, amẹ lańo ch'ekọ ef uwñ k'own le ch'oji ewñ utogba kpai oda du.

OMI CHENEKA EF'ABO AKWORANYI OYA ONU-I

31

Eñwu Nubi K'Ene Kamonuch'Ojo
Kimanalukan Adoji Kane Ñwu
Ma Abunwanane, Kpai Amenug-
bitene Duche Ukweta Ufedo Ñwu?

Oñ egba du k'i ño dabi d'Oma
ogba le dabi w'ef ile ugbo du k'one
te kade-i, i kakini, amonuche Ojo
du ki nadojikanen ñw u.

—Hibru 1:6

U domo agwoguyo ef ile-wñ k'i
ch' ugbo k'one adodo uyo-mi la
d'ugbo amoma amone.

—Ita, Ita 8:31b

... Ma la je ñwu me ku ñw oloda
lef añola Kraisti, k'ame ki mud
e-ene omune, own ch'ene ku ma
mudu dajikwane kwef abo ki ku

le, todun k'awa ki rero ñw Ojo. . .
Todu alu k'awa chen'ewn añola
wewe ef añola'ka, k'ukolo k'ewn
añola wewe le n'ache ma ch'okate
n, abele awa k'a ch'owo amone
ch'añola'ka efu Kraisti, okoke-wa
la ch'ewn añola omune.

—Rom 7:4b; 12:4, 5

Oya Ñw Ane Inmi Kwugbo Ñwu
An'Oma le f'inmi ogbegbele ne
me ene ki ma n'Oma Ojo n
n'inmi n.

—1 Jon 5:12

Ene ki ma dowym' Oma e-wñ
onugo n, k'i muda m'own duch'ele
te todun wa chaka, ab i ale k'i ma
ak'ewn du ch'uwa ele ufedo-onyo
many'u n?

—Rom 8:32

Mana Ny'Ede Kpai ọya Wñ

Ọla Ebite 3:21

Ẹnẹ ki du nadu ñw u k'i guguanẹ kp'omi oj edemi, alu k'omi onugo du tak u guguanẹ kp'Ata-mi oj ẹde-wñ.

Ewo Ei Onu Kpai Ọya Wñ

Hibru 11:16

Ama fa-i ma fọtar'e-ki nyọ tule, owñ ch'e-efojale: lef e-le oñ i ma ch'ewñ anyọ ñw Ọjọ ku ma d'owñ k'Ọjọ e-ma n; todú i f'ewo ñwọche ñw ma mẹ.

Ọla Ebite 3:12a

Ẹnẹ k'i du, nad'u ch'oli ugbugaga ef unyi Ọjọ-mi ejefu. I la n'ugbo du k'i adufu ny'ọdọda

gẹ n. Oñ nak'odu Ọjọ-mi kp'odu ewo Ọjọ-mi Jẹrusalem Etito k'i agwọru kw'efojale ugbo Ọjọ-mi awa, ny'ọla-wñ

Ọla Ebite 21:2

Tak u li ewo kiafọ lẹ, owñ che Jẹrusalem etito, ki agwọru kw'efojale kwugbo Ọjọ wa, ọla-wñ ch'eñwọche tẹ dabu ọya etito ki ch'ijaga ñw ọkọ-wñ.

Ọla Ebite 22:14

Abo ku ma f'otogbo-ma gwe, todú k'ama ki n'oda oli e-iñmi, ku ma ki ñ'a gudu l'alaku tef ewo lẹ gbede. Amabia kp'amachobochi kp'amẹnabutabu kp'amakponẹ kp'amachode kp'ẹnẹ du ki achedọ ewñ olemi ki lañọ chi j'ọdọda-wñ.

Luku 16:11

Todulẹ ichẹwñ k'amẹ ma ch'a-machubi onẹ ef ẹwñ-enẹ e-uji n, ẹnẹ akẹdono mẹ k'i ak'ẹwñ ogbolo ñwu mẹ?

2 Kọrint 8:9

Todu amẹ chema ufẹdenyo e-Ondu-wa Jisus Kraist, kakini, Abu k'i chaka ch'anana, todụ mẹ i mud ẹnale, todụ k'amẹ ki mud anana lef alewñ lẹ.

Jemẹs 2:5

Mẹ gbọ, amomaye-mi k'omi afẹdọ mẹ, i ch'amẹnale ilẹ-i oñ Ojọ chi ku ma mud amanana ef ẹdọ ekono n? Kp' amajẹ ẹwñ ogu ojane-wñ k'i k'ọla-wñ tane ñw amẹnufẹdọ-wñ n?

Ọla Ebitẹ 2:9a

U chema ọbata-wẹ kp'ale-wẹ, e muda ch'anana . . .

Ubailo Kidefu Anana Ilel

1 Timoti 6:17-19

E ki d'ugbẹdọ ñw abo ku ma ch'anana ef ọkpanachi ki dẹ abajo-i ku ma ki n'ibe eke n, k'ama ki la we ekibeno ikani ikani e-ẹwñ anana, chai ku ma kon'Ojọ e-k'i ak'ẹwñ du ñw a lef anana k'ẹdọ-wa ki bọ; ama ki ch'ukọlọ ẹnyo, ku ma ki ch'anana ef ukọlọ omẹmẹlẹ eche, k'owo-ma ki ch'echi ñw onẹ, ku ma ki n'ibe onẹ efamọla; abẹlẹ ama ad'ẹrẹ unyi omẹmẹlẹ maja ñw ọla-ma todụ ejogba, todụ k'ama ki gwony'e-ki ch'iñmi ogbolo.

34 ẸWŊ KI CHOFẸ ANANA OCHOCHI ŊWU MI

Filipai 3:21

K'i ar'añola-wa e-ehiwane-i da etito k'i d'alu k'añola e-ojima-wñ de, alu k'ukpahiu-wñ ach'ukolo k'i f'ewñ du kamuhi te ñw ola-wñ.

Kolose 1:12, 13

Me nagwa Ata k'i je ñw a b'ukpe ewñ ogu e-abo kiafo jo ef uganẹ. Owñ le m'uwa gba kwef oda echubi, on i m'uwa ko r'ef ojanẹ e-Oma ufedo-wñ; e-k'awa n'ulonetanẹ ef uwñ, owñ ch'etono kuma t'adure-wa no le.

Ẹwñ k'Amenukpuchẹ Che 20:32

Oñ fa-i nako me jo ñw Ojo kpai ola ufedenyo-wñ e-k'i neke f'ume

ne nyogba, k'i laño neke k'ewñ-ogu ñw me je ef abo kiafo du.

Kolose 3:4

Ẹgba du ku Kraist k'i ch'iñmi-wa le kwotejugede, egba le amẹ ñ'atejugede kpai owñ ef ojima.

Efesus 3:6 kpai 8

Owñ ch'eka k'abo ucheichi kpai amaJu ch'abo k'ama dede aje ewñ ogu le, ama dede la ch'añola'ka, ama dede la ñ'adama ny'ewñ ku ma kola-wñ tane le efu Kraist Jisus lef Uchenyo, . . . Omi ki nya t'abo kiafo du le, on ma du ufedenyo kide ñw u, k'u f'uchenyo unana Kraist e-k'okpa-wñ ma je ate n le je r'abo ucheichi.

Eli Ekọ D'ọjọ 40:16

E muda jẹ ñw abo ku ma tene wẹ ki yọ ku ma gwoguyo ef uwe; abo ku ma fedo ujadu-we ki ka okokolo kakini, Jihofa ki ch'in-aina!

Eli Ekọ D'ọjọ 32:11

Edo-me ki bo efu Jihofa, amẹ ki gwoguyo, amẹ amẹnokpakpa, me ki la f'oga uyọ chi, amẹ k' edo-me ch'okpoko chaka!

Filipai 4:4

Me nayo ef Ondu egba du: naño dabi ka, Me nayo.

2 Korint 4:17

Todu obata fuye ki de iko-i k'a li-i nachukolo uwoji adu ojima ololo ololo e-ogbegbele ñw a.

Zekaraya 9:9a

E nagwoguyo nana, uwe omonobule e-Zayon! F'oga chi, uwe omonobule e-Jerusalem! Go, onu-we aw'ugbo-we me; enokpakpa i che, owñ la n'ujadu, enobata i che

Luku 10:20

Ama me ki nayo ef e-kide ka k' amafu ch'ekamuhite ñwu me n; me ki muda nayo todabu k'odu-me cheko tef otakada efojale.

Eli Ekọ D'ọjọ 5:11

E ki muda jẹ ñw abo du ku ma chubiy'uwe gwoguyo, ama ki ch'oga uyọ ogbegbele; todabu k'uwe b'ogba ny'uma, abo ku ma fedo odu-we ki ño gwoye ef uwe.

36 E DEYAKPO EJUMOMI WÑ OGBEGBELE?

Ita, Ita 8:36

Ama ẹnẹ ki muda d'umi re mak ẹbiẹnẹ i ch'ọla-wñ onugo; abo du ku ma chulaka-mi, mak uku ma fẹdọ lẹ.

Hibru 12:25

Mẹ nago, ku mẹ we edeyakp'ẹnẹ ki akọla lẹ. Todu ichẹwñ k'abo ku ma deyakpo ẹnẹ ki juka ñw ma ilẹ-i ma f'owọ tanẹ n, e-wa, k'a dubigba ẹnẹ ki kw'efojale lẹ atule nana n?

Luku 13:24, 25

Mẹ ki fejugbiti ku mẹ mugudu lef alugbona fiili lẹ; todu amone wewe afeju ku ma agudu l'omọ, iñmi-ma muda awọ n, omi aka-i. Egba k'ẹnẹfẹnyi kwanẹ k'i la

f'ona re, k'amẹ chanẹ edago j'odọa, ku mẹ dowok'ona, kakini, Ondu, m'u bi ñw a; tak i adohi ñwu mẹ kakini, U ma mẹ ugbo ku mẹ kwo-wa-i n.

Edeyakpo Ejumomi Anurida
T'echilechewa

2 Tẹselonaika 2:10-12

Many'ẹwñ du k'uji adu m'one ibe da tod abo ku ma alenyo, ukpe ku ma ma gba ufẹdọ k'i aje ñwu ma fẹdọ ochochi tod k'i jadu ma n. Oñ tod e-lẹ Ojọ akpe ukpahiu ẹwñ ila eche r'uma, tod ku ma ki kẹdon'olemi; tod ku ma ki kpa ochaka abo ku ma ma kẹdon' ochochi n, k'uji muda r'uma ẹdọ abi.

ENE OWÑ OMICHE UBI ONU-I OJOJI? 37

Chẹkọ Nw'adure, Fabije

Jọn 3:18

Ma akajọ ẹnẹ ki akẹdọn' owñ n;
ma f'ajọ ẹnẹ ki ma kẹdọn'o n ka
mẹ, todabu k'i ma kẹdọn'odu Ọma
okpono Ọjọ n.

Hibru 10:26, 27

Todu a gwejugede dure abu k'a
m'uma e-ochochi lẹ gba, ichẹbọ ñọ
bọ tod adure gẹ n. Chai ailo era
anede ajọ kp'una ki ad'ogọ ki ache
ki k'abo ku ma kob'ẹwñ du mi.

Akajọ Wñ Lefu Ọla ei Nwñ

Jọn 12:48

Ẹnẹ ki akọ mi, k'i ma gba ọla-mi

n, chen'ẹnẹ ki ak'ajọ-wñ; ọla k'u
ka lẹ e-lẹ ak'ajọ-wñ ef ọjọ otitala.

Ufedo Kpai Edeju Lef'uwñ

1 Jọn 4:9

Ef e-i oñ ufẹdọ Ọjọ kwotejugede
ef uwa, ka k'Ọjọ f'Ọma-wñ okpo-
no kpuchẹ w'ilẹ todun k'awa ki deju
lef uwñ.

Ọla Ebite 22:17

T'Afu t'ọya-etitọ lẹ kakini,
Lewa. Ẹnẹ ki la gbọ k'i nakakini,
Lewa, oñ ẹnẹ k'olugbẹ akp'ọ, k'i
nawa: ẹnẹ du ki d'owñ ẹdọ ki lewa
gba omi e-iñmi ele ofofo.

Enidada Agugu Ogbegbele
 Ẹf'aloko Kpai Setan Ef'Ọjegu
 Iko Kuwe Agugu Uña Ogwuyo
 Inaina Efu Kraist Ke-Mana Ny'e-
 de ei Ilei Ogbegbele.

Eli Ekọ D'ọjọ 53:1a

Enidada ka ef ẹdọ-wñ kakini,
 Ọjọ du dọmọ n.

Luku 11:39, 40

Tak Ondu ka ñw u kakini, Fai,
 amẹ ku mẹ ch'amaFarisi nagw'e-
 jọdọda ago kp'ugba; ejefu-mẹ
 muda chekọ tiili ñw ẹwñ edinya
 kpai ẹwñ bibi. Amẹ amẹnidada!
 I ch'ẹnẹ ki che ejọdọda che ejefu
 kpọfọ n?

Matiu 7:26, 27

Oñ ẹnẹ du k'ọla-mi-i t'ọ eti k'i
 ma la che n, ma ad'u wawe ẹnẹke-
 le ẹfulẹfu k'i f'unyi-wñ kọ oj
 ẹlanyi; tak omi ojale mugulọ wa,
 oñ omi lile lewa, afu la ju, oñ i lewa
 an'unyi le, tak i leane, uwane-wñ
 la tabale!

Jẹrẹmaya 17:11

Dab agbailo ki ade oj ẹge ki ma
 ch'owñ nyi n, abele ẹnẹ ki ay'ẹwñ
 anana jọ ki ma che l'ona ọkpakpa
 n de, alumeji ojolugbo-wñ ẹwñ le
 akwo b'ọ tẹ, iko otitala-wñ i mud
 ẹnidada.

**Ugbo Kabo Duu Kuma K'Onu
Ojima i Anyi**

Hibru 6:8

I muda m'ikeke kp'edudu egbe ko dufu, ma añwa ki nyọ n tak i meru ama ena ñw u; ukpoji-wñ ch'egujo.

Ọla Ebite 14:11

Odudu uwa-ma le atefu t'ate ogbegbele nyilewa; ma la an'uñmi ọrọka kp'odu n; owñ ch'abo ku ma dojikanẹ ñw ẹla le abek ojibowñ kp'ẹne du k'i gb'ina odu-wñ.

Matiu 13:41-42

Ọma Onẹ akp'amonuche-wñ uche. taku ama ay'ewñ du k'i

ad'one hi kw'ojane-wñ jo kp'abo ku ma n'ewñ ugbitere ache; ma la ako ma ro jef adido una: omọ aku ero kp'enyi elo ade.

Filipai 3:18b, 19a

... Ama ch'amenebi oli-uku Kraist, ukpoji e-ma ch'elenyo

**Ọjọ Añaju Todu Kiche Amuno
Wewe Kele Kifu Wafa Kwef'ọ-
jegu. Dabalu Keju wñ Gwanyi Ele
ñwa If'Uku Ogbegbele du, Ila ño
Daji Kwanegẹ Todu Kanugbo Ka
F'edu Kpai Udeju N'efuwñ Omu-
nẹ Ch'utodu Ki F'erida Enadure
Kwefu Ugbitene Atefu Edo Etito
ei Ufedo efu Kraist nẹ.**

ONU EI AMONU ADU SETAN T'UNYUGA ALU KI NEKU

Ọla Ebitẹ 20:1-3

Tak u li onuchẹ k'i agwọru kw'efojale awa, in'omigede ọlọ-lukp' igbaligba lile ef ọwọ-wñ. I la gwonyu Dragon, owñ ch'ejo e-igbele lẹ, k'i ch'Abulumone kpai Setan, oñ i f'u ji, i la m'u du rik-polo tef ọlọlu oñ i f'u re t'omọ ọdọ icham ny'ogwọkọ i la f'oji-wñ atẹ hiukọ, todụ k'i ñ'ako abo ucheichi la nyogba gẹ n, gbogbo tak ọdọ icham ny'ogwọkọ lẹ jọ: ubi lẹ ma at'u tanẹ chuu k'i kpokpe pẹ.

Ọla Ebitẹ 20:7 kpai 10

Oñ ẹgba du k'ọdọ icham ny'

ogwọkọ lẹ jọ, ma atu Setan tanẹ kwef unyi-uga-wñ lẹ, ... Taku ma m'Abulumone ki ko ma la du rikpolo tef ubu-una kp'itolu, ugbo k'ẹla kp' akachẹ olemi jọ lẹ; oñ ma ali uwa ọrọka kpai odu ogbegbele nyilewa.

**Mafu Setan du Ogbegbele
Ny' Ilewa**

Hibru 2:14

Todulẹ abu k'abimọtọ lẹ n'uta-ma ata ef ẹbie kp'ọrẹla, owñ onugo ñọ b'uma manany'ewñ lẹ pitii abele gẹ; todụ k'i f'ene ki n'oda uku gbogili tẹ lef uku, owñ ch'Abulumone lẹ.

F'IBE MUJO FAI KEMA ẸNẸ K'ẸRỌ OGBEGBELE

41

Matiu 6:24

I n'ẹnẹ du k'i neke chukọlọ adu ñw odu meji n; todụ i ma chaka chulaka oka k'i fẹdọ ekeji n, mak i amany'oka ọla k'i la ad'ekeji r'ọ-chẹkẹnẹ. Amẹ neke ch'adu ñw Ọjọ, ku mẹ lañọ ch'adu ñw ọkọ n.

Etu — Setan Ẹtọbi T'unyi Uga,
Abek' Onu ei Amonu ef' Ẹgahi
Ogbegbele ei Ede Wñ?

Ẹwñ k'Amenukpuchẹ Che 26:18

K'e m'uma eju chi k'ama ki rida kwef ẹchubi tef ugane kpai kwef ọda Setan tugbo Ọjọ, ku ma gba ut'adure nọ kp'ukpẹ ẹwñ ogu ef abo ku ma fọ lugbo ẹdọ ekono ki d'ef umi.

Ọla Ebite 21:8

I la ch'eamachokpo, kp'abo ku ma kọ kẹdono, kp'abo ihienẹ, kp'amakponẹ, kp'amẹnabutabu, kp'amachobochi, kp'amachode, kp'amaremi chaka, ukpẹ e-ma ch'ef ubu ki ajo una kpai itolu; e-lẹ ch'uku ekeji.

Jon 8:34-36

Jisus dohi ñwu ma kakini, Ami, ami, naka ñwu mẹ kakini, Ẹnẹ du ki ache ẹwñ adure ch'adu adure. Adu la agugu ef unyi ogbegbele n; oma agugu ogbegbele. Todule ichewñ k'Ọma ako mẹ ch'amomone, mak amẹ ach'amomone ogbolo.

Jọn 7:37

Ẹgba ọjọ otitala e-ki ch'ọjọ lile e-ujeju ucholo lẹ, Jisus kwodago, i domudago kakini, Ichẹwñ k'olugbẹ akp'ẹnẹ du k'i naw'ugbo mi ańm'omi.

Ọla Ebite 7:17

Todu Ọmala ki d'alumeji ede lẹ adide ma, oñ i anẹ ma ny'ugbo ẹbi omi e-iñmi, tak Ọjọ ali omi aku du b'uma eju tẹ.

Ọla Ebite 22:1-3

Tak i d'ohimini omi e-iñmi ña mi, i afanẹ dabu kristal; i nadufu

kwef ede Ọjọ kp'e-Ọmala lẹ. Alumeji ọna-wñ kp'ej emi kp'ej anọmọ ohimini lẹ oli e-iñmi k'i aro ẹro mẹgweji jọ, i aro ochu ochu; oñ eñmi oliwñ ch'utodu ku ma nẹ f'ọga abo ucheichi che. Ama-ena du ñ'a dọmọ gẹ n. Ede Ọjọ kp'e-Ọmala la adẹ ef uwñ. Amadu-wñ la ache ẹwñ ñw u.

Jọn 4:10

Jisus dohi ñw u kakini, Ichẹwñ kuwẹ ma ma ele Ọjọ, kpai ẹnẹ k'i aka ñw ẹ-i kakini, D'omi ñwu mi ñmọ, uwẹ ma bi owñ, tak owñ ma d'omi ki adeju ñw ẹ.

Matiu 6:33

Mẹ ki la feju Ojanẹ e-wñ
kp'òkpakpa-wñ ejodudu, taku ma
ak'ẹwñ lẹ du many'u ñwu mẹ.

Ọlọda Eduwa Onukeji 4:29

Mẹ muda aj'omọ atejanẹ Jihofa,
Ọjọ-wẹ, tak uwe a li owñ, owñ
ch'ẹgba k'ẹ n'ẹdọ-wẹ chaka kpai
onugo-wẹ chaka tejanẹ-wñ.

Ita, Ita 8:17

Nafẹdọ abo ku ma fẹdọ mi, oñ
abo ku ma takpa tene mi ali mi.

Hosiya 10:12

Mẹ ki f'ẹwñ gbẹ ñw ọla-mẹ ef
òkpakpa, mẹ ja ku mẹ ko w'unyi
l'ona ufẹdenyo; f'anẹ uche-mẹ nu,

todu iko ku mẹ tene Jihofa dẹ,
gbogbo tak i lewa k'òkpakpa ab'
umẹ ma dab omi ki alọ.

Luku 11:9

Abeleş omi aka ñwu mẹ-i kakini,
Mẹ nabi taku ma ad'u ñwu mẹ; mẹ
feju taku mẹ ali; mẹ dọwọkọna
taku ma abi ọna ñwu mẹ.

Aizaya 55:6

Mẹ tejanẹ Jihofa abu k'i d'ugbo
k' amẹ ali, mẹ kwad'ọ abu k'i
mẹru ananẹ.

Eli Eko D'ọjọ 86:12

O ondu Ọjọ-mi, nan'ochaka
ẹdọmi agogbod'uwe-i, oñ nado-
jima ñw odu-wẹ ogbegbele.

Ọla Ebitẹ 21:9b-11a kpai 22-24a

... Lewa, nad'ọya etitọ k'i ch'ọya Ọmala lẹ n'uwe. Tak i m'umi du ef Afu alo t'oj uwo elile ki gbogba, oñ i du Jẹrusalẹm ewo kiafọ lẹ ña mi, abu ki agwọru kw'efojale ugbo Ọjọ wa, i n'ojima e-Ọjọ: uganẹ-wñ la dab okuta akoko ọmẹmẹlẹ U ñọ li unyi Ọjọ ejefu ef uwñ n: todụ Ondu Ọjọ Odobaogagu kp' Ọmala lẹ ch'u-nyi-Ọjọ-ejefu-wñ. Eku olu abẹk ochu la aku ewo lẹ ki fu b'o ma n: todụ ojima Ọjọ ch'uganẹ-wñ, agege-wñ la ch'Ọmala lẹ. Tak abo ucheichi atale ef uganẹ-wñ

Ọla Ebitẹ 19:6b-9

... Haleluya! tofabu k'Ondu Ọjọ-wa Odobaogagu f'onu-wñ jẹ mẹ. A ki nayo, a ki nagwoguyo a ki nam'ojima du ñw u: todabu k'iko iyawo Ọmala lẹ lewa mẹ, ọya-wñ la f'ọla-wñ ñwọche mẹ. Oñ ma du ñw u k'i n'ukpo linẹn ki nyọ ki afanẹ, k'i dẹhiolo b'ọla ma: todụ ukpo linẹn ki nyọ lẹ ch'ẹwñ ọkpakpa k'abo kiafọ che. Tak i ka ñw mi kakini, Kọ kakini, Abo ku ma dọ w'ugbo ujewñ Ọmala lẹ gbede. Tak i ka ñw mi kakini, ọlỌjọ e-ochochi dẹ-i.

Ef'Ola Kamuhi Wñ

Rom 6:13b

...Mẹ ki muda k'onugo ọla-mẹ
jọ ñw Ojọ, dabẹnẹ k'amẹ kwef uku
adeju mẹ, ku mẹ la k'ewñ aña
ch'idona okpakpa jọ ñw Ojọ.

Af'edọ Okoya Ogbolo

Efesus 6:24

Ufedenyo ki d'ugbo abo du ku
ma fedọ Ondu-wa Jisus Kraist kp'
ufedọ ki ma ch'e-ekadona n.

Erony' Aña-la-wñ

Todabu k'a ch'ewñ ki rony'año-
la-wñ. —Efesus 5:30

...Todu k'amẹ ki mud abo ku
ma tuta ef alu k'Ojọ-wñ de lef
uwñ —2 Pita 1:4b

E Chẹkọ Ñw' Ufedọ Ki Kwatẹ

Ene ki muda ade ọla-wñ
ochochi, ufedọ Ojọ mufu kpa ef
enẹ lẹ mẹ. —1 Jọn 2:5a

Inekpabie Ola-n

Uwe ch'alifia chaka enowo-mi;
uwe la n'ekpabie ọla du n.

—Solomon 4:7

Todule abufedọ, abu ku mẹ
jọ aneju ewñ-i, mẹ chedochacha
r'uk'owñ ki li mẹ ef urẹdọ, k'iwa
du ki bumọ mẹ n, k'ewñ anyọ ki
we ed'ọla-mẹ eju-wñ. —2 Pita 3:14

A anẹ Okpoko Ufedonyo

Ibe-mẹ ki ch'ewanẹ, ku mẹ
kibeno ufedenyo ku ma anẹ wa
ñwu mẹ ef ebite ku ma abi Jisus
Kraisti tẹ t'ukpoji. —1 Pita 1:13b

46 ONU-I AFILE UGBITERE LI E RINYO HIOKO

Ola Ebite 17:14

Abo-i ak'ogu b'Omala le, tak Omala le af' uma du todabu k'own ch'Ondu amodu kp'Onu amonu, abo ku ma la j'ugbo-wñ ch'abo ku ma do kp'abo ku ma chi kp'abo ku ma chubi-wñ.

2 Teselonaika 2:8

Tak egba le ma abi enugbiter e le te, e-k' Ondu Jisus an'afu alu-wñ lie mane, k'i n'an'etejuede ewa-wñ f'u gbobili te.

Ola Ebite 18:21

Tak onuche'ka ki gbiñmi m' okuta ki dab okuta unewñ lile du, on i m'u durikpolo tef ohimini, i

kakini, Abei ma adu Babilon ewo inaina le akpulu rikpolo gwom'ane i la nugbo ku ma n'ali ge n.

Zekaraya 14:12

Ewn ki la ch'egwo e-ki Jihofa ane gwo amone amone du ki ma k'ogu wa abo Jerusalem de: orema atakpa r'uma eju erere ugbo ku ma dago le, eyo eju-ma la atakpa r'ef akpo-wñ, ukpalu-ma atakpa r'uma alu.

1 Korint 15:24

Ubile ch'ukpoji-wñ egba du k'i m'oda ojan e le du nw Ojo k'i lan e ch'Ata, own ch'egba du k'i f'agboji chaka kpai oda chaka kpai ukpahiu chaka gbogili te.

EJOFẸ ANẸ ILE ỌDỌ ICHAM NY'OGWỌKỌ 47

EF' OGWUYỌ

Matiu 6:10

Ojanẹ-wẹ ki lewa, Ewñ ki d'uwe
edọ ki che, Alu k'i dẹ efojale, k'i
ñọ d'abele anẹ-ile-i gẹ.

Matiu 5:5

Abo ku ma dẹ chikimi gbede,
todu ama ajẹ anẹ ile ewñ ugu.

Ọla Ebitẹ 11:15b

... Ọda ojanẹ ile mud e-Ondu-
wa kp'e-Kraisti-wñ mẹ; i la aj'onu-
wñ ogbegbele nyilewa.

Ọla Ebitẹ 20:4b

... Kp'amonugo onẹ ku ma k'o-
ji-ma da tod ọla ibenu Jisus kpai
todu ọlỌjọ, kp'abo ku ma ma doji-
kanẹ ñw ẹla lẹ abẹk ojibo-wñ n, ku

ma ma gba ina-wñ ogboji-ma abẹk
ugbo ọwọ ma n; taku ma deju, ma
ñọ b'ọ Kraist j'onu ọdọ icham
ny'ogwọkọ lẹ.

Ọla Ebitẹ 20:6

Ene ki n' ukpẹ ef udajikwane
e-ejodudu lẹ gbede, i afọ, uku ekeji
ñ'a n'oda ugbo abo-i gẹ n; ma
muda ach'amatama e-Ọjọ kp'e-
Kraist, ma la ab'ọ j'onu ọdọ icham
ny'ogwọkọ.

Ọla Ebitẹ 5:9b, 10

... Todabu ku ma d'uwe kpa, k'e
lañọ f'amone la ñw Ọjọ ef
ẹbie-wẹ, ... oñ ẹ ko ma ch'amonu
kp'amatama ñw Ọjọ-wa; ma la
aj'onu anẹ ile.

Ojọ Kpai Elo Mi Okokolo, O Uyo!
Eli Ekọ D'ojọ 145:1

Nad'uwe noji ago, Ojọ-mi, O
Onu, oñ nakadua ñw odu-we
ogbegbele nyilewa.

Jon 17:24a

Ata-mi, i d'umi edo todú k'abo
k'ẹ ko ñwu mi ki j'ugbo mi ugbo
k'omi de, todú k'ama ki g'ojima
e-mi k'ẹ mudu ñwu mi

Ola Ebitẹ 21:3b, 4

... Me go, ebu Ojọ dugbo
amone, i la agene kp'ama, oñ ma
ach'amone-wñ, Ojọ onugo la ad'u-
gbo ma k'i ch'Ojọ-ma, i la ali omi

aku du b'uma eju te; uku ñ'a domo
ge n; abek edaido, abek akuerọ,
abek iwo adomo ge n; ewñ ejodudu
le lale rinyo me.

1 Teselonaika 4:16c, 17

... Tak abo ki ku efu Kraisti
adabi kwanẹ ejodudu, ubi le tak
ama ak'awa k'a deju k'a bo dinya
ef akpa manyu ma k'a de kp'
Ondu ef afu-i; abele a la ajo kp'-
Ondu egba du.

Ola Ebitẹ 22:5

Ojọ ñ'adu ge n; eku uganẹ e-age-
ge kp'uganẹ e-olu aku ma ge n: tod
Ondu Ojọ ach'uganẹ-ma. Ma la
aj'onu ogbegbele nyilewa.

KRAIST KAKINI:

“Énẹ ki du nadu ñw u k’i guguanẹ kp’omi oj edemi, alu k’omi
onugo du tak u guguanẹ kp’Ata-mi oj ede-wñ.” —Ọla Ebitẹ 3:21



Efu Kraist Manyi Onugo Mi Ku Nana!
Enẹ Kimufukpa Adọ Mi, Ila Chotila Nwu Mi Kulo,
A Tefu Edu!

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**

World Missionary Press
PO Box 120
New Paris, IN 46553-0120 USA
www.wmpress.org

5-25



Read booklets online or by App
www.wmp-readonline.org

520 Igala WAI